

故宮
珍本
集刊

江西府州縣志

共十一冊
第七冊



故宮博物院編

海南出版社

故宮珍本叢刊第 115 冊江西府州縣志第 7 冊(共 11 冊)

故宮博物院編

建昌府志

南城縣志

第二冊(共二冊)

海南出版社

圖書在版編目(CIP)數據

故宮珍本叢刊.第114~115冊,地理.都會郡縣.江西,[乾隆]建昌府志、[乾隆]南城縣志/故宮博物院編.-影印本.-海口:海南出版社,2001.4

ISBN 7-80645-974-X

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06465 號

故宮珍本叢刊第 115 冊

江西府州縣志第 7 冊(共 11 冊)

[乾隆]建昌府志 [乾隆]南城縣志

第二冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:36.5 印數:1-400 冊

ISBN 7-80645-974-X/Z·55

定價:2200 元(江西府州縣志 18 種共 11 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

建昌府志卷五十一

列女傳 新疏

孔貞女

鄧烈婦徐氏 子婦

涂欽妻

何譽妻

李伯誠妻 涂郁文妻

潘用吉妻

潘浩妻

周廷瑞妻 丁壽章妻

李月和妻

江川瀟妻

程吳妻 李孝德妻

邱壽絲妻

楊彬二妻

潘遜妻 黃昇妻

胡仲鍊母 妻氏

劉倫能妻

黃琦妻 羅子慈妻

江淪妻

涂泰妻

涂亮妻 涂良諱妻

鄧桐妻

李瀛妻

孔宏乾妻 涂伯蘊妻

鄧植妻

鄧珍妻

許廷宣妻 魯重信妻

孔貞庵妻

建昌府志

卷五十一

列女三

一

余希憲妻

鄧湯鑑妻 黃沂妻

郭隱吾妻

王維煥妻

黃瑞母 饒良竹妻

張日祥妻

江恩禹妻

黃端伯妾 劉菊姑

王貞女

王四玉

趙玉鈺妻 鄧烈婦等七人

吳瑞甫妻

程子貴妻 楊日華母

魯希更妻

魯君虞妻

李雪香 嫂 江右賢妻

李國祥妻

涂大頴妻

裘烈婦 潘一猷妻

張尚筆妻

黃孟熙妻

吳元開妻 王鳳妻

楊大灼妻

楊芬妻

朱驥妻 李文亮妻

王葵日妻

楊大燦妻

馮宗岱妻 吳子祥妻

胡時煥妻

魯多材妻

鄧學駒妻 黃有昌妻

孔傳蘭妻

朱士溪妻

楊大灼妻

鄧之麒妻

喻懋達妻

鄧洪文妻

潘鼎佐妻

鄧代獻妻

魯興妻

吳朝簡妻

鄧全縉妻

楊璋妻

魯薦妻

孔繼澄妻

鄧在憲妻

鄧侯汝妻

余世隆妻

魯亨妻

黃有瑗妻

魯津妻

朱大紳妻

魯鐸妻

魯福妻

黃國言妻

鄧鍾璽妻

黃九嘯妻

潘超妻

馮策妻

楊大業妻

黃紹眉妻

潘大儒妻

李亦暄妻

黃甲奎妻

潘丹桂妻

楊大祥妻

劉光姓妻

王從賢妻

裴紹賢妻

黃紹賢妻

涂學瑛妻

楊瑄妻

汪淑仁妻

程大鵬妻

涂性之妻

涂迴波妻

建昌府志

卷五十一

列女三

二

涂尚仁妻

李廷聘妻

楊以登妻

涂祥士妻

李文約妻

李文端妻

饒欽妻

涂志超妻

李輝儒妻

謝大魁妻

鄧銀韶妻

鄧揖妻

楊大經妻

陶世慶妻

何國柱妻

王藹吉妻

江廷賓妻

黎惟一妻

李世興妻

涂才徵妻

鄧聖表妻

蔡彌萬妻

陳大純妻

陳大鵬妻

涂志洪妻

吳大邦妻

楊瑞龍妻

江世嵩妻

余元紳妻

孔傳槐妻

潘天鶴妻

王尙殷妻

涂建五妻

武敬五妻

李希賢妻

饒緝熙妻

涂學讀妻

涂志翔妻

張登輝妻

張元貞妻

熊日亮妻

楊帝簡妻

劉宇同妻

鄧鍾蘭妻

建昌府志

卷五十一

列女三

孫廷仁妻

朱宏轍妻

江嶽宗妻

傅子諒妻

鄧沛雲妻

楊應蘭妻

周孝婦

張乃週妻

武贊玉妻

楊尙友妻

建昌府志卷五十一

列女傳

新城

明

賢溪貞女孔節幼靜慧知書嘉靖庚申秋閭寇入桃溪節與

眾婦女言曰桃溪距此僅十里寇必至吾輩緩則規避急

則棄性命爲長策言未畢門外八紛呼寇至節急迫遂自

奮扼死家人負土掩其屍月餘改葬面如生扼吭拳竟

不得直時年十六尙未字族私謚曰貞

鄧頤母徐氏妻王氏徐二十三而寡守節撫墳嘉靖戊午閭

寇犯南市姑婦俱被掠罵賊而死邑人立雙烈祠祀之

建昌府志

卷五十一

列女三

四

進士涂欽妻黃氏名妙善舅歿事姑甚謹姑老左右扶護如

保嬰兒欽官乳源丞溺死馬當計至黃痛果絕而復甦者

再自是闔戶不出屏膏沐蓬垢自誓子順登進士官禮部

主事皆母督教之力何澄爲作貞孝堂記

明統志
隆慶志

舉人何燮妻涂氏名玉梯進士涂欽曾孫女也幼時父病亟

潛割股和粥以進父愈稱孝女長歸何繼姑性嚴委曲順

事卒得歡心年三十三夫歿緝遺書訓三子日夜紡績自

給季子屋遺腹生進士官至程蕃知府恩贈涂氏宜人

縣志

李伯誠妻朱氏名淑真年二十生一子夫歿華語曰親老子

幼奈何朱泣曰舅姑老雖無子當終養況有子乎夫卒謝

孝義舅姑撫子成立守節五十年而終

涂氏又妻潘氏年二十九夫歿晝夜欲自盡姑解之曰吾子

不幸早世今汝有遺腹繼宗祀者在此慎無以死傷生後

所生子踰月又死潘大哭投簪髻水中誓曰我此生無復

用矣事姑盡孝撫嫁二女始終一節卒年六十九

隆慶
邑志

潘用吉妻黃氏年二十三夫歿男瑞始半歲或諷言欲奪其

志黃艱然自誓局戶獨處勸女紅敬養舅姑訓子成立縣

令段敏疏於朝旌其門曰貞節何屋爲記

隆慶
邑志

潘浩妻楊氏年二十三而寡一子松尚在襁褓制終父母憐

其年少無所托欲奪其志楊氏曰餓死事小失節事大遂

去鉛飾躬紡績以終年八十有一

隆慶
邑志

建昌府志

卷五十一

列女三

五

周廷瑞妻趙氏年二十八夫歿一子鑑趙勵志撫教其子始

終無玷年八十七卒孫偉登進士

隆慶
邑志

丁壽章妻鄧氏年二十三夫歿無子父母議欲他適鄧涕泣

誓不改節自是足不及外庭身不御華飾立夫弟之子貴

爲嗣孀居四十八年節操如一

隆慶
邑志

李用和妻黃氏名妙英年二十六夫歿子鈇甫二歲家貧母

欲奪其志黃涕泣曰此足一移不獨取辱終身且姑誰養

養子誰與育誓死不二後鈇三十餘亦卒黃撫教孫泉

孀居五十年鄧康名其堂曰貞白何處爲記

隆慶
邑志

江用瀨妻敖氏年十九夫歿父母憐其年少欲令再適敖曰

夫死而背之不義舅姑老而棄之不孝遂絕粒餽勤績紡

力盡婦道年六十五卒

隆慶
邑志

程吳妻楊氏年十六于歸八載而吳沒一子復夭楊事舅姑

克盡歸道守志三十七年卒里人作詩輓之

隆慶
縣志

李孝德妻張氏年二十一夫歿父母憐其少欲令更適張號

勸引刀斷一指示無他志嗣是辛勤女紅撫教孤子卒年

六十九子鍾官昌化訓導

隆慶
縣志

邱壽緣妻包氏年二十九夫歿無子姑憐之屢諷更適包遂

垢自誓曰吾夫吾所望以終身者今既失望奚以生爲欲

自盡姑爲慰解乃忍死事姑以終身

隆慶
邑志

楊彬二妻孔氏年二十六夫亡無子或以輕塵弱草諷之孔

哭對曰吾寧爲楊家婦而死何忍復嫁他人家以苟生持

建昌府志

卷五十一

列女三

六

操益勵雖親屬隣婦有見其面者

隆慶
邑志

潘達妻朱氏年二十五亡一子恩甫半歲朱矢志勤織紉

孝養庭闈始終不替令蕭一中題其堂曰節孝

隆慶
邑志

黃昇妻許氏年二十夫亡無子而貧族人父母黨欲逼之嫁

以規利許乃鬻其夫遺田三畝構棺衾以待死衆遂警視

之聽其寒餓初有繼子尋亦背去許處之恬然特一婢共

績紡以供朝夕及卒婢經營殮葬哀慟一如所出

隆慶
邑志

胡仲鑣嫡母裴氏生母李氏父喪時裴年二十七李年二十

一仲鑣在腹裴李矢心守節協力持家李以母事裴裴以

妹視李仲鑣生二母保顧如一及長爲築室導以謙慎恪

守前業縣令劉志學表其堂曰雙節

隆慶
邑志

劉喬楠妻陳氏年二十六夫病篤刲股和藥以進不效歿哀

毀幾絕自是謝粉黛寢舊簪不飾雖兄弟姪輩見之不踰

閨闥撫二孤督之勤讀族婦有邀會佛者拒不往年逾七

十卒縣令湯建衡表其堂曰貞節

隆慶邑志

黃琦妻饒氏年未三十而夫卒舅姑皆七十餘竭力奉養自

甘淡素撫教子孫有成有司為請旌表

隆慶邑志

羅子慈妻潘氏年二十六而寡無子妾一子鍾方五歲初夫

病革顧潘曰嗣子孱弱我死若能保之乎潘嚙指出血指

天日以誓居喪數日不食及葬觸石投墮欲殉哀毀成疾

父母憐之使人諷以改適潘曰所以不死者為孤耳如逼

我有死而已坐卧一室素衣淡食非姑召不至中堂撫鍾

建昌府志

卷五十一

列女三

七

長立年四十五卒鍾入貲授邵武衛指揮僉事自刲狀於

朝下禮部議以年未五十不及旌縣令李嘉猷題額表之

隆慶邑志

生員江淪妻黃氏淪以勤學致疾死黃時年二十七子四

歲一子始六月黃含辛茹素撫育二孤自夫歿後足不出

戶庭雖子姓罕與相見事姑力孝養孀居四十七年卒

隆慶邑志

生員涂泰妻江氏年二十八夫亡遺二孤撫以成立舅年九

十艱勤履隣夜火江亟呼僮先負舅出舅所燬衣物江次

第奉給禮傷身意繼姑難事江委曲奉順獨得其懼舅

姑每稱江賢曰爾能事我子未亡也

隆慶邑志

涂亮妻朱氏成化丁未年二十一夫亡一子三齡一子遺腹

守節六十三年各當事給額旌之

縣志

舉人涂良韓妻朱氏嘉靖癸亥年二十五夫亡無子立繼守

節四十年

縣志

通州鄧桐妻張氏洵溪張游女桐少時嗜酒色弗學張數微

諫不聽至載右小指溺泣又不聽張大患之內自念是未

易以口舌動時桐方從鄉先輩何屋遊即過動不敢令屋

知而所與遊獨鄧杞璩順中能面折人過張覘知之時時

以其意饋問此三人又遣家僮私告謝提掖恩不敢忘故

師友切磋愈益力而桐乃大感悟卒學成爲好官皆張之

力也張早歲娠不育即出幣帛爲夫置妾妾生二子愛撫

如已出一日抱子洵方孩弄忽母計驟至一踊五內裂而

建昌府志

卷五十一

列女三

八

死吳郡楊循吉爲撰傳云新城鄧婦有三善而孝爲大稱

鄧孝婦

縣志

李濱妻鄧氏年十六于歸閨十有八月夫死止遺一女姑以

其少欲嫁之衆共窘逐不已致蓬頭眼制飲食乃攜女依

母家紡績自給父遠出每夜焚香於掌以致禱歷十有八

年惟春秋歸掃夫墳聞姑病即歸供湯藥至忘寢食隣婦

咸往勸姑曰汝媳孝心苦行留之共食不猶愈誦佛乎姑

念諸婦服勤弗逮留之立伯子爲後鄉撫之甚至父母歿

服喪三年人謂其節孝兩盡云

隆慶邑志

孔宏乾妻鄭氏年十八于歸繼姑性嚴鄭事之曲至十年宏

乾卒無子鄭誓不改適壙夫時卽舍爲匹墳預勒名墓石

逾十九年夫第始生次子聞易鄭撫以為嗣教養備至後
舉隆慶庚午鄉試官至雅州知州省志

涂伯蘊妻郭氏萬歷戊午年十九夫亡守節五十一年各當
事給額旌之縣志

鄧禎妻江氏年十四歸禎居十二年而寡無男子獨與二女
子俱勞幾形影家食貧日勤紡績為活所親勸改適不聽

奉姑黃勤瘁以孝稱二女長營資杖具歸之已立姪應宿
為後應宿多子女又歲時行賈於外不還顧江早夜勤女

紅資給其子女不衰省志
縣志

鄧珍妻王氏早歲而寡一子幼鞠養劬甚稍長諸父豪見孤
易虐毋凌之王兢兢保持孀居五十五年歲時不一再復

建昌府志

卷五十一

列女三

九

中庭嘗有疾家人將召巫覡入為祝禳王怒詈曰孀婦門

無五尺童何物巫敢至是堅不聽年八十九卒先夕開
篋取羅縠衣數褶與孫婦曰此我嫁時衣也吾孀居邨不

御久矣今以與若老衣鮮好如新製云縣志

許廷宣妻黃氏年十九夫死無子黃慟甚舅疑婦早寡有他

志黃誓不改節卒踐其言縣志

魯重信妻馮氏年三十夫歿長子論僅六歲次子訓尚襁褓

茶苦備嘗及二子稍長課督甚嚴日讀書須認真做人吾
所望汝曹者匪魏科應仕已也年八十卒後子孫俱以文

行科名顯人以為貞節之報縣志

孔貞屋妻楊氏年十九夫亡苦節堅守撫夫弟子尚壽為嗣

卒年九十七邑令殷為題額旌之縣志

余希憲妻黃氏年二十夫死遺孤有諷其改嫁者婦矢志靡
他撫子成人年九十而卒縣志

邵湯盤妻嚴氏夫卒年僅二十父欲奪其志嚴痛哭自矢絕
跡外庭年九十卒至

大清乾隆五年旌表縣志

黃沂妻張氏年三十夫亡氏勤紡績課兒為學子名卿鄉舉
官同知張封孺人年九十卒縣志

郭隱吾妻陳氏年二十八而寡勞瘁三子窮無所依乃織紵
以撫諸孤卒以成立事姑李至孝嘗冒火護姑出烈燭中

邑歲凶推食以飼饑者享年一百一歲縣志

暨司李陳

建昌府志

卷五十一

列女三

湯栗帛旌其閭曰是有貞性而享大年者縣志

生員王維煥妻涂氏兄國鼎官冢宰氏毫不以貴自矜事舅
姑孝養夫病革囑以勗教藐孤氏敬佩其言延師督子訓

誨無少懈年七十二卒縣志

黃瑞母傅氏年二十三守節崇禎癸未兵巡道岳虞密旌其

門年八十七卒縣志

饒良竹妻黃氏年二十二喪夫子僅七歲家貧舅屢勸他適

答曰歲寒不改冰霜節清苦難移鐵石腸自是舅不復言
邑令楊榮旌其廬年五十九卒縣志

張日祥妻涂氏年二十四夫歿二子幼矢志守節事舅姑以

孝聞年七十四卒縣志

江思禹妻寧氏年二十九夫歿子二長四歲次生甫十月

祥親戚有哀其家貧年少勸令改圖者寧正色拒之二子

稍長知學延名師一切供饌身紡績以供縣令林士科題

額旌之縣志

禮部主事黃端伯妾范氏端伯無子嫡王氏先歿獨范相從

患難克完其節端伯既死范奉骸骨歸葬邑之忠孝橋旋

結草菴於麻姑之巔長齋事佛奉端伯遺志以終縣志

國朝

劉貞女菊姑許字孔傳麟未嫁而傳麟卒女泣稟父母往弔

禁之一夕投繯殉葬正四年旌表縣志

王貞女幼許字曾應璫未嫁而應璫卒女斬髮赴弔歸守母

建昌府志

卷五十一

列女三

十一

家終身不再適縣志

貞女王四玉庠生王聘女也丙戌正月鄭採奔竄兵不緝四

玉與父母訣曰我惟有一死願天佑吾父母俄有兵至攜

之行四玉厲聲請死傷頭角而絕時年十九縣志

趙玉鉉妻朱氏年三十夫死家貧有子女各一子襁褓復天

氏操守益堅後數年舅姑相繼歿家益落其女適朱迎就

養乃治麻縷以佐女而戌正月母女避兵牀壁間為所獲

欲汚女女不屈刃之流血滿地舍去有傾復甦母顧謂女

曰能如是乎與汝偕死遂解帶自縊死時女亦自縊遇其

姑解縛乃得甦縣志

貢生鄧仕學妻劉氏丙戌正月為兵所執途中語僕曰欲即

死有池處汝亟指示我僕未應越百步有池一區劉乘間

躍其中羣卒怒舉石擊之額盡裂而死年二十一足時被

執死者有潘鍾秀妻璩氏黃宜會妻王氏李藻然妻余氏

涂大衡妾王氏又江人王妻許氏以夫婦並投魚池死喪

紹祺妻饒氏年二十抱兒溺水死三日後殮其屍顏色如

生云縣志

吳瑞甫妻涂氏已丑胡大功臣過桃源涂為騎卒所獲竄入

田稻中追逐之涂大聲曰有死耳威之以刃堅執不從卒

怒射之洞胸死時年三十二縣志

程子貴妻張氏辛卯張自盛寇新城氏被掠欲汚之罵不絕

口賊裂其屍死縣志

建昌府志

卷五十一

列女三

十一

生員楊日華之母劉氏年二十餘夫行商遠出姑病篤劉侍

奉湯藥晝夜不倦更禱天判股和藥以進姑隨痊事聞兩

臺給賜絹數旌其孝順治六年山寇劫樟村劉被執不屈

死九年知縣楊成德詳請給額旌表縣志

魯希夷妻饒氏康熙乙卯攜姑避吉溪賊至謂其姑曰姑善

自保婦此身義下受辱遂自縊死縣志

魯君虞妻潘氏姑江氏失明潘事姑甚謹康熙丙辰聞警告

變兵蔓延君虞聳草舍於樓臺峯寨上從家避之無何隣

居火火爆燃潘屋潘時年十九且有娠幸避出矣回顧不

見姑復衝烟入遂焚死火熄眾視之潘雖形燬尚攜姑手

未脫云縣志

李端探之妹雪香許字江姓

閩寇江拐子所掠賊促行雪香頭觸道傍石罵不絕聲賊

殺一老婦恐之又不行賊背之走雪香喘賊頸不脫賊志

甚置雪香道傍憐不忍害復善誘之雪香曰吾頭可斷身

不可污憤罵不絕遂遇害楊氏亦以罵賊不辱賊刃之猶

抱子伏胸飲血數口氣乃徐絕云

江右賢妻李氏邑礪源人時閩寇江拐子擁眾數千由光澤

寇新城大肆擄掠李適歸寧途遇兄國祥妻陳氏偕行有

傳寇繫至者姑嫂約必死未幾寇果至逼陳行拒不可乃

負之行陳以兩足擊賊背罵不絕口賊忿其遂擲下揮刀

砍之陳死復逼李曰汝不行視前被殺者李曰被殺者吾

建昌府志 卷五十一 列女三

嫂也吾與嫂矢志矣義不從賊賊以刃加其首脅之曰汝

不從吾吾果殺汝李曰殺即死何多言為賊乃以刃橫直

砍其首首四裂邑人至今哀之

涂大穎妻黃氏年二十二夫亡誓不獨生夜自縊寢室翌日

與夫同殮塋焉

生員裘含萬之女嫁胡氏康熙癸巳夏歸寧大水浸其屋男

婦並登屋極有男子去下衣者女羞焉數援之登不可竟

死於水

潘一猷妻黃氏于歸時姑老而病左右扶持積歲不懈年二

十六一猷卒長子大琪甫週歲潘子大琪

孤矢志不二稍長延族中名宿課之又推次志捐

宗祠享祀之費明崇禎九年邑饑捐米散賑邑宰廖翰標

以賜饒義功顯其門雍正七年旌表大琪為郡諸生大琪

康熙進士

張尚璧妻劉氏年二十三夫卒子彌月母憐其少而貧勸改

適氏割髮自誓敬事孀姑十餘年如一日姑亡卜葬祖墓

旁眾欺其寡阻之氏攜孤痛悼自刺流血滿地乃得甚然

自是左目瞽矣躬勤紡績課子以義方康熙三十九年旌

表

黃孟熙妻張氏初于歸家貧甚常自飲粥以飯奉姑夫亡遭

耿逆變負姑絜子避難卒能全貞其子嬭裘氏黎氏曾孫

婦傅氏並以早年守志未及請旌邑諸生馮行以四節出

建昌府志 卷五十一 列女三

一門為作四節婦傳張雍正三年

生員吳元開妻王氏夫亡樞停厝堂側無何火將延及婦撫

棺哀號不去鄰里感動為移樞樞甫出而室已灰燼矣嗣

後姑死翁復死困苦不可言卒撫其子以成立雍正三年

省志作旌表縣志

王以鳳妻楊氏夫亡時姑孀子穉人或難之氏修婦職垂母

教歷三十四年克稱完人雍正五年旌表

楊大奸妻鄧氏南城孝廉

城時舅姑俱歿東明官舍耿逆叛南北道梗間開扶視歸

顛沛中喪祭無失禮撫幼叔同所生康熙丙辰窺居山岩

賊攻圍急恐不免乃盡出簪珥裂尺布裹置兩兒袖間盡

建昌府志

卷五十一

列女三

五

其上曰取此活兩兒命而自懷利刃坐井欄上若破其目

裁幸保無恙年八十餘以壽終城復早孀妻涂氏遺腹一

子尚鑾生時涂雙膝跪地左手據盆右手握兒臍帶叩

天長號曰天不絕吾母子耶兒臍當一斷而斷臍之果斷

既浴裹以麻衣曰夫幸有子不可不服三年喪也服除抱

一兒拜夫靈哽咽氣絕踰時而甦事孀姑極孝年已老侍姑

起居姑命之坐乃坐夫所藏書拾襲完好授子讀之後姑

婦俱雍正五年省志作七年旌表尚鑾癸卯舉人一統志

監生楊芬妻鄧氏事姑愛敬備至年二十八夫亡隆師課子

克繼夫志子大震康熙鄉舉官靖安訓導雍正五年旌表

朱驥妻劉氏生子甫三月夫歿劉忍育其子及子娶婦踰年

子又夭與媳潘氏苦志共守人咸哀之雍正五年旌表縣志

李文亮妻熊氏家貧勤紡績文亮客死山東旅櫬懸三千里

外翁姑已耄且未有子息李設法歸之遠涉鄱湖危浪扶

以還里涕泣三年繼夫弟子光錫爲嗣雍正五年旌表縣志

王葵曰妻饒氏夫亡無子族黨疑有異志饒誓以死守立後

承祧雍正五年旌表縣志

楊大燦妻涂氏年十九夫亡有子遠復早殤矢志守貞值耿

叛流離遷徙依母家者十餘年乃撫姪鵲爲嗣性好施予

甲申歲歉邑令張鈐設粥賑饑氏捐米四十石銀二十

錢民夜宿惠德橋者更命僕持錢米散之全活甚衆

五年旌表

監生馮宗岱妻胡氏年二十七夫亡事翁姑以孝聞兄銓知

范縣數書招甥胡恐以紛華敗孤兒修心令勿往四子俱

天撫孫至成立守節五十年雍正六年省志作八年旌表縣志

吳子祥妻胡氏夫歿子數歲守志不移後舅與夫兄相繼歿

氏撫幼叔及姪恩勤一如己子雍正七年省志作九年旌表縣志

胡時煨妻過氏夫亡止遺一女無可繼其後者年四十九乃

繼夫姪大翼爲嗣後避閭寇攜嗣子入山艱苦備嘗不以

離亂喪其守雍正七年省志作九年旌表縣志

魯多材妻朱氏夫歿忍死事病姑教子有成夫兄卒於官命

子往扶櫬歸兼撫夫兄孤兒嗣恤族中老婦賑饑閭里人

皆賢之雍正八年旌表縣志

鄧學駒妻涂氏年二十七而寡孝養孀姑茹荼課子雍正八

年旌表縣志

黃有昌妻王氏年十四歸有昌二十七而寡遺腹生子光會

長子次子並六歲以下翁樂元殉義母子無所依乃徙就

外家居深山延師教子初王于歸時逾年姑病蠱醫者令

納蟾蜍猪胃中既熟進之氣穢惡曰寧死不食王輒引飲

其牛無難色姑乃以爲不足介意飲至盡頃大嘔噦腹中

穢積盡出病遂廖子光會鄉舉官知州雍正九年旌表縣志

孔傳商妻鄧氏夫亡子幼煢煢無依立志不移操持以守先

業雍正九年旌表縣志

朱士渙妻魯氏年二十一生子五月而夫亡矢志完節事

姑以孝稱孤長垂涕訓誠俾克有成雍正九年旌表

楊大炳繼妻張氏年二十二而寡初夫病垂危張抱前妻子

潤坐床隅夫晚視肘膚長嘆張嚙指流血誓曰所不善視

藐孤懷二心者有如此指夫亡後事孀姑以孝謹聞撫潤

教養授室一如已生其後潤夫婦相繼歿張為撫其子女

始終不忘雍正九年旌表

鄧之麒妻魯氏生二子而夫亡日勤紡績隆師課子事翁及

繼姑克盡婦道翁廷相為儀封令以廉吏卒官署家彌窘

繼姑之女六嫁奮需費皆彈十指以襄事年六十四卒雍

正九年旌表長子嘉舉人

建昌府志

卷五十一

列女三

七

喻懋達妻張氏年二十二而寡長子岸次崧復病篤張泣曰

夫亡而不死以子故也子生亦生子死亦死更何言哉夜

夢神女以藥飲二子疾乃愈稍長課以書縫紉紡績伴子

讀夜分人猶聞刀尺聲夫忌日慟哭如新喪終身以之年

八十一卒雍正十年旌表

鄧洪文妻楊氏夫歿一子甫五月楊矢志不二撫孤長立雍

正十年旌表

潘勗佐妻涂氏夫亡時三子幼稚稍長訓以敦本習業無辱

先人而自以長齋繡佛終其身雍正十年旌表

生員鄧代獻妻甘氏本儒家女通禮義夫歿以完節自矢嘗

薨塚旁廬一壙以自待值耿逆弗靖奉舅姑避寇常佩刀

為傳幸脫於難雍正十一年旌表子增益舉人

魯興妻鄧氏夫歿孤甫四歲教誨有成雍正十一年旌表

吳朝簡妻劉氏年二十五夫亡兩子幼稚養奉孀姑課孤子

以終身卒年八十六雍正十一年旌表

鄧全緒妻楊氏歸全緒不數年而寡旋撫幼兒避兵亂卒完

其操父母憐之析產三之一畀焉氏讓歸兄間亦周鄉黨

之貧乏者雍正十二年旌表

楊璋妻饒氏夫歿善事舅姑教子成立守節五十餘年雍正

十二年旌表

魯薦妻饒氏年二十九夫亡子彬甫十歲矢志撫孤家貧紡

織養翁卒年六十一雍正十二年旌表

建昌府志

卷五十一

列女三

大

監生孔繼澄妻鄧氏年二十三夫歿或以姑老子幼為勸氏

正色拒之孀居荆釵裙布終身不易服足不履戶庭晝夜

惟勤紡織孝以事姑延師課子族里稱其賢年五十六卒

雍正十三年旌表

生員鄧在憲妻黃氏事姑以孝聞夫歿矢志勵操子成立乾

隆元年旌表

鄧侯汝妻孔氏歸五載而夫病彌留時氏勵絕復甦哭曰夫

以孤子不終養吾可死以傷姑心乎自是相依為命事寡

姑以天年終乾隆元年旌表

生員余世隆妻鄧氏年十九夫亡長子光乾甫三齡次光日

娠八月氏矢志撫孤奉養病翁備極敬孝先世停有五柩

未慈悉經營宛安更以已田五十石擴充祖祀課子

二子俱籍膠庠守節五十年乾隆元年旌表

縣志

內閣中書魯氏妻潘氏進士潘大璣女適寧寧太受自期冬

夜讀書擁被達旦氏年二十九夫亡口抱兩孤涕泣比鄰

學助以讀書繼志甲申姑病賴天請代姑得痊乾隆元年

旌表

縣志

黃有瑗妻饒氏夫亡事舅姑孝謹尤嚴於課子有不幸必請

命舅姑予杖或勸曰兒孤何太甚氏泣曰惟孤更不忍以

慈敗也聞者稱為名言乾隆元年旌表

縣志

魯津妻楊氏生子未甚而夫歿踰年子又歿立天從弟之子

為嗣每值夫忌辰禮拜畢閉戶涕泣竟日勺水不入口歷

建昌府志

卷五十一

列女三

九

數十年皆如之乾隆元年旌表

縣志

朱大紳妻魯氏夫死翁姑年老子三齡仰事俯育各盡其道

後子歿復與寡媳教兩孫以苦節終乾隆元年旌表

縣志

魯鐸妻涂氏事姑孝姑以其早寡憐之相須為命姑亡益悲

苦所生一子二歲而殤立夫姪為父乾隆元年旌表

縣志

魯福妻鄧氏夫歿翁姑垂老一切生事盡祭俱克如禮年七

十九卒乾隆元年旌表

縣志

黃國言妻程氏夫死課孤以學自作女紅伴之宵夜課至漏

下數十刻哽咽語兒曰此汝父遺思爾等時也兒亦泣下

所居當閭孔道歌變起程懼不免囊刺刀自隨有山一如

丁素感其賢開變爭昇其舅姑及程皆至山一如

生平勤儉頗有餘積歲饑務賑恤人爭效之乾隆元年旌

表

縣志

鄧鍾葵妻黃氏夫歿有遺腹忍死事姑後生子苦志教育以

成立乾隆二年旌表

縣志

黃九疇妻江氏年二十一夫歿無子立夫姪為後食貧課子

苦節終身乾隆二年旌表

縣志

潘超妻張氏幼好書史見古烈女圖傳必究詰原委為說

說及適超超故業儒貧不能自存張織紵以贍超歿張惟

誓做衣持門戶者數十載即行皎然乾隆二年旌表

縣志

馮策妻涂氏年二十而夫歿一子甫襁褓氏矢志靡他奉寡

姑數十年修行婦道保孤迄有成三世一綫賴以不墜乾

建昌府志

卷五十一

列女三

三

隆二年旌表

縣志

監生楊大業妻黃氏年二十七夫亡無子捐田歸宗廟以崇

祭祀出貲附葬翁姑始祖墓側守節三十年乾隆二年旌

表

縣志

黃紹眉妻涂氏年二十六夫亡事老姑孝養無間言姑死殮

墓如禮撫孤子伶仃辛苦勵志益堅乾隆二年旌表

縣志

潘大儒妻魯氏夫歿課孤讀書家法凜然後孤復早天撫孤

孫一如課子時守節四十餘年乾隆二年旌表

縣志

李亦暄妻張氏事翁姑以孝隆夫歿三日輾轉為自盡計姑

察其傷悼殊常夜半果於寢所自經姑急呼家人解救而

端泣慰因相抱悲不能止自是聲不踰閭足不履庭教子

其嚴有過輒廢餐飯子悔過乃已乾隆四年旌表縣志

監生黃甲奎繼妻李氏年二十八夫亡遺孤臨甫六歲李矢

志撫之以成立無何臨又卒婦鄧氏時年二十五願以身

殉者再姑屬鄰婦左右之得不死聞教森嚴一稟姑範李

守節四十三年鄧守節三十三年俱乾隆四年旌表臨子

鑒戊午鄉舉縣志

潘丹桂妻湯氏夫歿氏年二十九事翁姑撫孤子艱苦不貳

後四子俱克成立乾隆四年旌表縣志

楊大祥妻袁氏夫客外卒二子幼紡績養姑姑卒悲痛不勝

聞者哀之乾隆四年旌表縣志

劉光姓妻陳氏秉性端莊曉大義夫歿時翁姑垂髦子未週

建昌府志

卷五十一

列女三

三

歲遭亂離奉舅姑抱子竄伏山岩中艱苦萬狀平定後以

勤勤治家家漸饒宋鄉賢劉翬瑞光姓七世祖也數百年

來廟祀闕如程命子糾族人請於有司立廟祀之乾隆四

年旌表縣志

王從賢妻蕭氏幼許字從賢其家貧不能娶願辭婚父將許

之氏聞泣然泣下父為惻然動竟以歸從賢貧益甚越十

二年從賢死氏食貧以事舅姑撫孤子至死不悔乾隆四

年旌表縣志

裘紹普妻楊氏夫歿不衣帛不如葦乾隆四年旌表縣志

黃紹世妻張氏年二十五而寡家貧矢志堅守子文則方九

齡老姑在堂勤紡績以為養無怠色力葬先世四棺延師

課子文則以五經中鄉舉成進士任印江知縣乾隆五年旌表縣志

涂學瑛妻鄧氏年二十四夫死遺二子家中落鄧日為鄰女

授閨訓女誠諸書夜則篝燈紡績自給乾隆五年旌表縣志

楊瑞妻吳氏生子數月而夫亡氏時年二十六家復火僅以

身免或諷其改節氏堅志不移孝事翁姑撫孤成立人皆

難之乾隆五年旌表縣志

汪淑仁妻李氏居恒勸夫力學顯親以不逮事翁姑為恨夫

歿撫孤嚴督課周卹無告不靳施子乾隆五年旌表縣志

程大鵠妻敖氏夫臨歿以幼穉相屬氏折釵為簪後課三子

俱成立乾隆五年旌表縣志

建昌府志

卷五十一

列女三

三

涂性之妻鄧氏夫死無子隨遭喪亂翁姑山寨中竭力經營

立夫從子為後乾隆五年旌表縣志

涂迴波妻李氏于歸後歷事兩繼姑承順無間夫歿一子復

殤請於翁為立夫後乾隆五年旌表縣志

涂尚仁妻鄧氏夫死孝養舅姑甘旨之費不以貧減課兩子

讀書以繼父志乾隆五年旌表縣志

李廷聘妻黃氏夫歿毀簪珥却膏沐不與戚屬慶弔節操凜

然數十年如一日乾隆五年旌表縣志

楊以登妻李氏年二十一夫亡遺腹生女寧命立夫好尚松

為嗣時僅三齡教養成人後翁姑喪葬夫弟憐李貧寡不

令勸事李驚異出所儲以付人皆賢之乾隆六年旌表縣志

生員徐祥士妻楊氏于歸三載夫亡無子奉老年翁姑立嗣
承祧人稱苦節乾隆六年旌表縣志

監生李文約妻江氏生二子而夫歿立志守節事親孝訓子
歲後病垂危遷延待子試歸嚙以立身顯親乃卒乾隆六
年旌表縣志

李文端妻黃氏許字後文端以貧欲辭婚氏涕泣弗止父憐
而歸之未幾文端讀書過苦患瘵死姑老兩世無後氏剪
髮自矢奉姑彌謹甘旨澣濯必躬親焉垂老始得應繼之
子鞠育成立乾隆六年旌表縣志

饒欽妻薛氏夫死以節操自勵茹荼飲水數十年乾隆六年
旌表縣志

建昌府志

卷五十一

列女三

徐志超妻楊氏年二十一夫亡守節五十餘年乾隆六年旌
表縣志

李輝需妻葉氏生而淑慧父母以內則禮教之卽諭意于歸
後事夫以禮夫病將死目頰視氏意若有所屬者氏嚙指
出血仰天誓曰如有懷二心不以撫孤爲念者神其殛之
目遂瞑事姑孝姑歿毀甚治家嚴肅厭絕尼媼乾隆六年
旌表縣志

謝大魁妻李氏家貧窘無交謫聲夫死水漿不入口者數日
舅始涕泣言曰爾復死則兩老一孤何以生爲相隨在旦
暮耳氏乃勉進糜粥矢志守節後舅姑皆臻壽考孤亦克
有成立乾隆六年旌表縣志

鄧鎮韶妻孔氏自幼請大義于歸四年鎮韶病誓俱死及死
氏慟絕兩屍一時並昇出室越宿始甦翁鄧裴引古義多
方譬之乃勉就喪裴高隱不治產氏以樽節勤劬治家卒

厥先業子汝舟亦成立乾隆六年旌表縣志
鄧楫妻黃氏夫亡撫孤成立事翁姑以孝稱乾隆七年旌表

監生楊大經妻劉氏夫死三世單傳翁姑垂老喪子無伯叔
可依氏勵志操持養老鞠孤始終一節乾隆七年旌表縣志
監生陶世襲妻張氏夫亡事老姑克代子職操持門戶家
凜然延師課兩孤咸有成就乾隆七年旌表縣志

何國桂妻江氏夫臨歿時引手摩兒頂髮江嚙指出血縣志

建昌府志

卷五十一

列女三

曰我倘不死勿慮兒也後子竟克成立翁姑染疾委頓床
席江終日侍奉澣濯必親久而不懈好施子歲饑簡嫁時
珠鉅衣服向舅姑前請曰婦養焉用此將鬻之以食饑者
許之得米十餘石輸官以賑乾隆七年旌表縣志

王藹吉妻黃氏夫歿一子三歲一子遺腹而孀姑已老姑媳
相依爲命嚴課二子俾有成乾隆八年旌表縣志
江廷賓妻鄧氏夫歿矢志撫孤以成立江氏廟煨於火氏命

子首捐貲新之族衆咸謂其知大義乾隆八年旌表縣志
黎惟一妻黃氏夫病革不能言惟牽氏衣摩兒頂示意氏指
天盟心其後事親撫孤上下頽之年逾六十卒乾隆十年
旌表縣志

李世興妻王氏夫亡無伯叔以勤勞治家翁姑壽年皆逾八

十氏孝養始終不懈乾隆十年旌表

縣志

涂才徵妻饒氏性勤儉通大義夫死堅節苦操舍命不渝乾

隆十年旌表

縣志

鄧聖表妻黃氏夫肩販貿易以疾卒無子氏年甫二十母念

女少諷以改適氏矢志堅守恐母之終強已也不敢歸寧

者十餘年翁姑咸其誠爲立嗣機聲軋軋至老不倖常督

責子婦曰長夜豈宜虛度爾曹云務紡績吾故樂此不爲

疲也性靜慎以恬潔終其身乾隆十年旌表

縣志

蔡彌萬妻饒氏生子甫四歲而夫歿尙有遺腹時翁已老耄

生事死葬貧不失禮課兩子克承家乾隆十年旌表

縣志

建昌府志

卷五十一

列女三

五

陳大紳妻饒氏夫死遺腹生女卽奉姑命繼夫兄之子爲嗣

亦早歿上事老姑下撫諸孫以節終其身乾隆十年旌

表

縣志

陳大鵬妻嚴氏夫死一子甫一歲茶苦課子守志終其身乾

隆十年旌表

縣志

涂志洪妻江氏年十六于歸閱十三載志洪隨父學珙出遊

江浙父子相繼客死兩櫬旋里氏死而復甦者再時門祔

哀薄氏撫其子教養操持十餘年家聲復振乾隆十一年

旌表

縣志

吳大邦妻鄧氏夫亡時子甫一歲氏撫孤奉舅姑以節孝稱

乾隆十一年旌表

縣志

陳龍妻鄧氏事孀姑備極孝養姑疾病衣不解帶夫亡撫

三子教訓有方皆成立乾隆十一年旌表

縣志

江世嵩妻張氏甫于歸而嵩亡遺腹生子撫以成立奉舅姑

曲盡孝養姑歿後歲遇忌日哀痛如初乾隆十一年旌表

縣志

余元紳妻潘氏溫柔端靜夫嗜學以紡績餘資佐購書費夫

臨終對潘流涕曰白髮老親代我養者誰潘曰我在君無

憂也卒踐其言乾隆十一年旌表

縣志

孔傳槐妻胡氏盛年而孀居三尺之童無敢擾入其門者

二子教養潘氏配女紅所積乾隆十一年旌表

縣志

潘天爵妻徐氏夫歿時二子俱幼矢志撫孤教以成立乾隆

建昌府志

卷五十一

列女三

六

十二年旌表

縣志

王尙殷妻黃氏夫行賈於楚舟過湖口八里江失足巨浪死

黃聞計自經以救免守志終身姑早卒有祖姑年七十抱

廢疾輾轉床褥間黃飲食扶掖之寒暑不間歷十餘年祖

姑卒備極哀毀乾隆十二年旌表

縣志

涂建五妻陶氏夫亡長子方四歲旋夫撫次子恐懼每焚香

告天乞延一綫之嗣卒紹其家乾隆十二年旌表

縣志

武敬五妻歐氏性端淑見里中婦悍戾及不敬舅姑者卽厭

薄之夫歿守志撫孤事舅姑極孝乾隆十三年旌表

縣志

李希賢妻黃氏夫死時姑老于穉或以家貧年少諷之氏立

志守貞仰事俯育盡農家婦而有士女風者乾隆十三年

旌表

饒緝熙妻鄧氏夫歿守志撫孤後數年舅姑相繼亡殯葬如

禮乾隆十三年旌表

涂學讀妻黃氏早寡勵志不改養老姑得其歡心教子以正

乾隆十三年旌表

生員涂志翺妻何氏年二十三夫亡敬奉翁姑課子讀書至

夜分不輟曰吾藉此以慰亡人地下守節四十三年乾隆

十三年旌表

張登輝妻余氏夫亡無子守志事舅姑生養死葬家雖貧不

敢不及撫育繼子無異所生乾隆十三年旌表

張元貞妻熊氏夫歿言笑不苟持家嚴肅人咸服之乾隆十

建昌府志

卷五十一

列女三

七

三年旌表

熊口堯妻楊氏夫亡家無半畝遺腹生一子隣婦有勸其更

適者楊大聲疾呼曰禽獸之行吾不忍為自是人敬畏之

莫敢復言乾隆十三年旌表

楊帝簡妻黃氏夫亡秉節不同孝養孀姑寧自忍饑寒不缺

井旨訓二子以義方或外出諄諄以近正人遠匪人為戒

乾隆十三年旌表

劉宇同妻程氏年十七而夫死生子僅九月氏矢志守節躬

勤紡織孝養翁姑無間言乾隆十五年題獎

鄧鍾菊妻蕭氏年二十二夫歿無子踰十年撫夫從子洪廉

為嗣守節三十餘年乾隆十五年題獎

孫廷仁妻潘氏夫死孤幼裨教之成立旋復天更課孫一如

課子家法凜然乾隆十五年題獎

宏轍妻潘氏歸一載而夫歿無子慟不欲生寡姑百方勸

諭之乃截髮斬指自誓不渝姑媳寢食相依刻不忍離姑

病劇涕泣禱神願減已算以延姑壽歷二十載始立繼子

乾隆十六年題獎

江嶽宗妻黃氏夫亡子幼立志撫孤以成立乾隆十六年題

獎

傅子諒妻周氏歸三年而夫歿生子方兩月貧不移志操作

以養姑辛勤以訓子乾隆十六年題獎

鄧沛雲妻孔氏年二十五夫歿養姑撫子皆盡其道乾隆十

建昌府志

卷五十一

列女三

天

六年題獎

楊應蘭妻孔氏未婚而夫遽疾氏時年十九毅然欲省疾父

母許之即往執婦道侍湯藥迨夫不復歸寧勤儉操持

夫大姪銘基為嗣營電安葬夫虛六白待兼自創夫婦專

祠里人至今稱之

孝婦周安九之妻程氏姑楊患喉風垂斃程禱天願以身代

夜分割左股進平明姑患頓愈里皆稱其孝

張乃迴妻涂氏潘文中妻涂氏俱青年守節已奉題獎

武贊玉妻蕭氏年二十六夫亡一孤隨歿撫夫兄子為繼守

節三十二年乾隆二十年旌表

楊尚友妻黃氏青年守節乾隆二十一年題獎